

# **ጾዎች ማድረግ ደካማ ጸውሎ ስለ ጋላቲያ ዓሰም ዳኔ ኪሊቶ" ዓይያ ካሮ"**

ዩሱሴኮ ዳቂሻያ ማዲያ ኬኤዛ ኮዥ ሓይሶ ቃኦላ" ቢያ ቤዘይዳ ኬኤዚንቲ ኬኤዚንቲ ሓሣ ዓይሁዴ ማዲባኦ ዓሰም ዩያ ሃይሶ ጉሙርቂ ዩኤ ዎድ"ና «ኪሪሰቶስ ጉሙርቂ ዓሰም ማዲ ሙሴ ዩርዜ ዎጎ ኩንሣኒ ኮይሶዎይ?» ጋላ ጾኦጪሣ ዩቄኔ። ዓሰም"ና ጸውሎ፡- «ኪሪሰቶስ ጉሙርቂ ዓሰም ማዲ ሙሴ ዩርዜ ዎጎ ኩንሣኒ ኮይሶዎይ፤ ባሼ ኪሪሰቶስ ዛሎ"ና ዓኪ ናንጊ ዴንቃኒ ቤርታዲ ኮይሳ ባኮማ ዓዛ ጉሙርቂሣኔ፤ ሓሣ ዓሰም ጾኦ ስርቲዳ ያላ"ኒ ዳንዳዓሣ ጉሙርቂሣና ሌሊኬ» ጌዒ ጌዒ ዩርዚሣ ዓርቄኔ፤ ጋላንቲ ዳኮ" ዓሰም ጌይንታ ዓጮ"። ሮማ ካኦቲ ዎይሣ ጋላቲያይዳ ዓኦ ሸኢጲያ ማኦር ዓሰም ባኦካ"፡- «ዓሰም ጾኦ ስርቲዳ ያላ"ኒ ዩሱሴ ጉሙርቂሣ ሌሊ ማዲባኦንቲ ሙሴ ዩርዜ ዎጎዎ ኩንሣኒ ኮይሳኔ» ጌይሣና ጸውሎሴኮ ጌኤዘ ማኪ ዓይ ዓሰም ዓኦኔ።

ጸውሎሴ ሓያ ኪሊቶ" ጋላቲያ ዓሰም ጻኦፕሣ፡- ዩያ ሉኡዙዎ ዩርዚያና ዣኦሌ ዓሰም ጊዜ ጉሙርቂሣ ይልዛኒ ሃሣ ኪሪሰቶስ ጉሙርቂ ናንጎንዶ ጎይዎ ዩርዚኬ፤ ቤርታሲ ጸውሎሴ ዩሱሴ ኪሪሰቶስ ማድረግ ደካማ ማዲ ፔና ፔጋሲ ዩርዚሣና ዓርቃኔ፤ ዩያ ማድረግ ዓዛ ዳኬሣ ዓሰምባንቲ ጾኦ ማዲሣ፤ ሃሣ ዓዛኮ ዳኪንቲያ ዓይሁዴ ማዲባኦ ዓሰም ማዲሣ ጋይዲ ጋይዲ ኬኤዛኔ፤ ዩካጋ ዓሰም ያላ"ኒ ዳንዳዓሣ ኪሪሰቶስ ጉሙርቂሣና ሌሊ ማዲሣ ኬኤዛኔ፤ ሃሣ ሃሮ" ኪሊቶ"ኮ ጋፕንያ ዓይያሣ ዳኪሰቶስ ጉሙርቂ ዓሰም ናንጋ ጊዜ ናንጊ ዩሱሴ ጉሙርቂያና ጴዳ ናሹዎጋ ሙካሣ ዩርዚኬ።

## **ማጻኤላ ዲማ ዲማ ዓርቄ ባኮ**

- ዓይያ ካሮ" 1፡1-10
- ጸውሎሴ ጾኦ ማድረግ ደካማ ማዲ ሙሴ ቢታንቶ
- 1፡11—2፡21
- ጾኦኮ ኮሹዎ ዛሎ" ኬኤዛ ኮዥ ሃይሶ 3፡1—4፡31
- ዩሱሴ ጉሙርቂ ዓሰም ጎሜ ዓይላቶጋ ኬሰኪያና ዩያጋ
- ናንጋንዳ ጎይያ 5፡1—6፡10
- ጋፕንሣ ሓይሴ 6፡11-18

1 ዓሲ ማለሂና ዓሲ ዳኬያቱዋንቴ ዩሱስ ኪሪስቶስ ዛሎ"ና ሃሣ ዒዛ ሓይባ"ፓ ዔቁሴ፥ ያኦሲ፥ ዓዳሂ ዛሎ"ና ዒዛም ማዳኒ ዳኪንቴያ ማዔ፥ ደኦሪንቴ ጳውሎስይዳፓ፤

2 ሓሣ ዒዛና ዋላ" ዓኣ ዒሾንሂዳፓ ቢያ ጋላቴያይዳ ዓኣ ሺኢጲያ ማኣሮ ዓሰም ዳኪንቴ ኪኢታ፡-

3 ኑ ዓዳሂ፥ ያኣዛሂዳፓ፤ ሓሣ ኑ ጎዳሂ ዩሱስ ኪሪስቶስይዳፓ ማዔ ሚጨንቴያና ኮሹሞና ዒንሂም ማዖንጎ።

4 ሓያ ዓጮ" ፑርቱሞይዳፓ ኑና ዳቁሻኒ ኑኡኮ ዓዳሂ ማዔ፥ ያኣዛሂ ማለሂና ኪሪስቶስ ኑ ጎሞሮ ጌዒ ፔና ዓኣሂ ዒንጌ።

5 ዩያር ያኦሲም ናንጊና ቦንቾ ማዖንጎ፤ ዓኣሚን።

**ኪሪስቶስ ዛሎ" ኮዦ ሓይሳ ፔቴ" ሌሊ ማዒያ**

6 ኪሪስቶስኮ ኮሹሞ ዒንጊያና ዒንሂ ዔኤሌ" ጎዳይዳፓ ሓያይዲ ሩኡሪና ዒንሂኮ ዲማዲያና ሜሌ" ኮዦ ሓይሶ ባንሂ ዓኣዲፆ ታኣም ዔርቲባኣያኬ።

7 ሓያ ታ ጋዓሂ ዒንሂ ዳቢሳ ዓሶና ኪሪስቶስኮ ኮዦ ሓይሶ ዋቢሳኒ ኮዓ ፔቴ" ፔቴ" ዓሳ ዓኣሂሮ ማዓንዳኣፓዓቴም ኮዦ ሓይሳ ጋዓንቴ ፔቴ" ሌሊኬ።

8 ዩይ ያዲ ማዔቴያ ኑኡና ጫሪንጮ ያኦሲ ኪኢታንቻሂና ዒንሂም ኬኤዜ ኮዦ ሓይሶይዳፓ ዲማዴ ኮሺ ሓይሴ ዒንሂም ኬኤዜያ ማዔቴ ዩይ ጋዳንቁንቴያ ማዖም።

9 ሓያኮ ቤርታ ታ ዒንሂም ጌዒሂጉዲ ሃሣ ታ ዒንሂም ጋዓ፥- ዒንሂ ዋይዚ ዔኬሂዳፓ ዲማ ሜሌ" ኮሺ ሓይሴ ያኦኒያ ዒንሂም ኬኤዜቴ ዩይ ጋዳንቁንቴያ ማዖም።

10 ዓዛሪ ሃሂ ታኣኒ ኮዓሂ ዓሲ ታና ሄርሻንዳጉዲም ያኦሲ ሄርሻንዳጉዲዳይ? ሃሂ ዓሲ ታ ዋዛሳኒ ኮዓያ ዒንሂም ማላ? ዓሲ ታ ዋዛሳኒ ኮዓያ ማዔቴ ኪሪስቶስም ታ ማዳያ ማዓዓታንቴኬ።

**ጳውሎስኮ ያኦሲ ማዳ"ም ዔኤሊ"ንቴያ**

11 ታ ዒሾንሂ! ታ ሚሾንሂ! ታ ዒንሂም ኬኤዜ ኮዦ ሓይሳ ዓሲ ኬሴ" ማለሂዳፓ ማዒባኣሂ ታ ዒንሂም ዔርዘ፤

12 ዋይቴ ጌዔቴ ታኣም ዩያ ዩሱስ ኪሪስቶስ ፔጋሲ ዳዌ፤ ዓይጎ ዓሲዳፓኣ ታ ዔኪባኣሴ፤ ሃሂ ያኦኒያ ታና ዔርዘባኣሴ።

13 ሚና ቤርታ ዓይሁዶ ካኣዦና ዋማይዲ ታ ናንጌቴያ፥ ያኦሲ ጉሙርቃ ሺኢጲያ ማኣሮ ዓሰዋ ሚጨንቴዋዖ ዋማይዲ ታ ደውሴቴያ፥ ዔያቶ ባይዛኒያ ታ ዋማዒ ማሌቴያ ዒንሂ ዋይዜ።

14 ዓይሁድ ዓሶ ካኦዥ ዋጎ ካፒ ታ ናንጋኦና ዓኣ ታ ዒጊኖ፥ ዓይሁድ ዓሶይዳፓ ቢያ ታ ባሼኬ፤ ዓደንሢ ካኦዥ ዋጎይዳፓ ማሌ" ታ ሃሣ ኮዑቀያኬ።

15 ጋዓንቴ ታ ሸይንታንዳሢኮ ቤርታ ያኦሲ ታና ዶኦሪ ፔኤኮ ኮሹሞና ታ ዒዛሞ ማዳንዳጉዲ ዔኤሌ"ኔ።

16 ዓይሁዳ ማዒባኣ ዓሶም ኮዥ ሃይሶ ታ ኬኤዛንዳጉዲ ያኦሲ ፔናዓሢ ታኣም ፔጋሲ ዳዋኒ ማሌ ዋዶ"ና ዓይጎ ዓሲናኣ ታ ዘርቲባኣሴ፤

17 ሐሣ ታኣኮ ቤርታ ያኦሲ ማዶ"ም ዳኪንቴዘንሢና ካኣማኒ ዩሩሳላሜ ዒሚ"ና ታ ዳንዲባኣሴ፤ ጋዓንቴ ቤርታዲ ታኣኒ ዓሬቤ ዓጪ ዓኣዳኔ፤ ዩካፓ ታ ጊንሣ ዴማሰቆ ማዒ ሙኬኔ።

18 ሐይሃ ሌዔኮ ጊንፃፓ ጳዲሮሴና ካኣሚ ጌሰታኒ ዩሩሳላሜ ታ ዳንዲ፥ ዒኢካ ዒዛና ዋላ" ታጳ ዶንጎ ኬሊ" ታ ዴዔኔ።

19 ጋዓንቴ ጎዳኮ ጌርሲ፥ ያይቆኦቤይዳፓ ዓታዛ ያኦሲ ማዶ"ም ዳኪንቴዘንሢዳፓ ያናኣ ታ ዳንቂባኣሴ።

20 ሐይ ታ ዒንሢም ፃኣፓሢ ሉኡዚቱዋኣሢ ያኦሲ ቤርታ ታ ዒንሢም ዔርዛኔ።

21 ዩካፓ ሶኦሪያና ኪልቂያ ጋዓ ዓጪ ታ ዳንዴ።

22 ዩማና ዩሁዳ ዓጪ"ይዳ ዓኣ፥ ኪሪሰቶሴ ጉሙርቃ ሺኢጲያ ማኣሮ ዓሳ ታና ዘጊ ቤቂባኣሴ።

23 ዔያታ ዋይዜሢ፦ «ዩይ ሚና ኑና ዒዲ ደውሳ ዓሢ' ዩኖ ዒ ባይዛንዳኔ ጌዒ ኮዓ ካኣዜሎ ዘሎ" ሃሢ ኬኤዛኔ» ጋዓ ሐይሴ ሌሊኬ።

24 ታ ዘሎ"ሮዋ ያኦሲ ዔያታ ጋላቴኔ።

## 2

ጳውሎሴ ሃንጎ ያኦሲ ማዶ"ም ዳኪንቴዘንሢና ዔርቲሢ

1 ታጳ ያይዶ ሌዔኮ ጊንፃፓ ባርናባሴና ዋላ" ዩሩሳላሜ ታ ዓኣዳጎ ቲቶ ታኣና ዋላ" ዔኪ ዓኣዳኔ።

2 ታ ዒኢካ ዳንዴሢ' ያኦሲ ታኣም ፔጋሲ ዳዊ ጎይያናኬ። ዩያኮ ቤርታ ታ ማዴ ባኮንታ ሃሢ ታ ማዳሢ ጉሪ ዓቱዋጉዲ ጌይሢና ዓይሁዳ ማዒባኣ ዓሶም ታ ኬኤዛ ኮዥ ሐይሶ ዔያቶኮ ዴኤፖ ዴኤፖ ሱኡጎ ዴማሲ ታ ኬኤዜኔ።

1:14 ዳኪ. ማዶ" 22፥3።

1:16 ዳኪ. ማዶ" 9፥3-6፤ 22፥6-10፤ 26፥13-18።

1:18 ዳኪ. ማዶ" 9፥26-30።

2:1 ዳኪ. ማዶ" 11፥30፤ 15፥2።

3 ታኦና ዋላ" ዓኣ ቲቶ ዋዚ ዒ ገሪኬ ዓሲ ማዔቴያ ዓቲንቶ ቤርቶ ዒ ቲቁንታንዳጉዲ ዋልቁና ዓይሢንቲባኣሴ።

4 ጋዓንጌቴ ኦኡኮ ባኣኮ" ዔርቱዋዎ ዓኣሺንቲ ጌሌ ፔቴ" ፔቴ" ሉኡቃ ዒሺንሢ ዒዚ ዓቲንቶ ቤርቶ ቲቁንታንዳጉዲ ኮዔኔ፤ ዩንሢ ዓሳ ኦ ባኣኮ" ዔርቱዋዎ ጌሌሢ ዩሱሰ ኪሪሰቶሴና ኦኡኮ ጎማፓ ጌኤሽኪያ ሙሪ ዛጋኒና ኦና ዓይሌ" ማሃኒ ማሊኬ።

5 ኦኡኒ ጋዓንጌቴ ኮዥ ሓይሶኮ ጎኦማ ዒንሢና ዶዲ ናንጋንዳጉዲ ጌይሢና ዳካ" ዋዳታዎ ዔያቶ ማሊያም ባሺንቲባኣሴ።

6 ዩንሢ ዓሶ ዔኪ ዓኣዳያ ማላዘንሢ ዛሎ" ጋዓንጌቴ ያኦሲ ዓሲኮ ዓኣፒ ካራ ዛገ ዓሲ ዲማሱዋኣሢሮ ዔያቶኮ ዴኤፑማ ታኣም ዔኤቢቱዋሴ፤ ዩንሢ ዓሶ ዔኪ ዓኣዳኔ ጌይንታዘንሢዳፓ ታኣኒ ኬኤዛ ኮዥ ሓይሶ ቃኣሎ"ይዳ ታና ማኣዳ"፣ ዓይጎዋ ዓኪ ባኣዚ" ታ ዳንቁባኣሴ።

7 ጋዓንጌቴ ያኦሲ ጳዒሮሴ ዓይሁዶ ዓሶም ኮዥ ሓይሶ ኬኤዛንዳያ ማሃሢ፤ ታናኣ ኮዥ ሓይሶ ቃኣሎ" ዓይሁዶ ማዒባኣ ዓሶም ኬኤዛንዳጉዲ ማሃሢ ዔያታ ዔሬኔ፤

8 ዩያሮ ጳዒሮሴ ዓይሁዶ ዓሶም ያኦሲ ማዶ"ም ዳኪንቴያ ማዒ ማዳንዳጉዲ ማሃ ያኦዛሢ ታናኣ ዓይሁዶ ማዒባኣ ዓሶም ዳኪንቲ ማዳያ ማሃኔ።

9 ዓሶ ዔኪ ዓኣዳያ ማላ፣ ያይቆኦቤና ጳዒሮሴና ዮሓኒሴና ያኦሲ ታኣም ሃያ ዲማ ማዶ" ዒንጌሢ ዔራዎ ታኣና ባርናባሴና ዋላ" ዔያታ ፔቴ" ማዒያ ዔርዛ ማላታ ማዒ ሚዛቆ ኩጮና ኦ ዋሊ ዓርቁኔ፤ ዩካፓ ኦኡኒ ዓይሁዶ ማዒባኣ ዓሶ ባንሢ ዓኣዳም፤ ዔያታ ዓይሁዶ ዓሶ ባንሢ ዓኣዳኒ ኦ ዋላ" ጫኣቁኔ።

10 ዩይ ያዲ ማዔቴያ ዔያቶኮ ባኣካ" ዓኣ ማንቆ ዓሶ ኦኡኒ ማኣዳ"ንዳጉዲ ዔያታ ኦና ሺኣቁኔ፤ ታኣኒያ ዩያ ማዳኒ ሚርጌ ማላያኬ።

**ጳውሎሴኮ ዓንጾኪያይዳ ጳዒሮሴ ጎሪ"ያ**

11 ጳዒሮሴ ዓንጾኪያ ሙካዛ ፔጌና ዒ ዳቤሢሮ ፔጋ" ታ ዒዛ ጎሪኔ፤

12 ያይቆኦቤ ዳኬ፣ ፔቴ" ፔቴ" ዓሳ ዓንጾኪያ ሙካንዳሢኮ ቤርታ ዓይሁዶ ማዒባኣ ዓሶና ዋላ" ዒ ሙዓኔ፤ ዔያታ ሙኬሢኮ ጌንፃ ጋዓንጌቴ «ዓይሁዶ ዓሲቱዋዎ ኪሪሰቶሴ ጉሙርቁ ዓሳ ዓቲንቶ ቤርቶ ቲቁንታንዳያ ኮይሳኔ» ጋዓ ዓይሁዶ ዓሶ ዒጊጪሢና ሎኦሺ፣ ዓይሁዶ ማዒባኣ ዓሶይዳፓ ዲማዴኔ።

---

2:6 ላሚ. ዋማ 10:17።

13 ሃንጎታዎቻችን ዓይሁድነት ከሪሶቶስ ጉሙርቃ ዓሳ ጳጳሮች ማዳሚያው ማዳዘ ባርናባሴያ ዓይሁድ ጎይያ ማዳሚያ ጌሌኔ።

14 ዓይሁድ ማዳ" ኮዥ ሓይሶ ጎኑሞ ጎይያው ፕዜቱዋአሢ ታ ዘጋጆ ጳጳሮች ኮይላ"።- «ኔኔኒ ዓይሁድ ዓሲታጋ ዓይሁድ ዓሳ ካኣዥ ዋጎናቱዋንቴ ዓይሁድ ማዲባኣ ዓሳ ካኣዥ ዋጎ ጎይያ ኔ ናንጋያኩ። ሂዳጋ ዓይሁድ ማዲባኣ ዓሳ ዓይሁድ ካኣዥ ዋጎ ጎይያ ናንጋንዳጉዲ ዓይሁድ ኔ ዓይሁድ ዋልቃዲ ዓይሁድ?» ጌይ ቢያሢ ቤርታ ታ ዒዛ ጎሬኔ።

ዓይሁድነትና ቱዋቱያ ዓሲ ጉሙርቁሢና ሌሊ ዲቃያ ማዲያ

15 ጎኔኩ፣ ኦኡኮ ዜርፃ ዓይሁድኩ፤ ጎሞ ዓሳ፣ ዓይሁድ ማዲባኣ ዓሳጉዲቱዋሴ።

16 ጋዓንቴ ዓሲ' ያኦሲ ቤርታ ዲላ"ሢ ዬሱስ ከሪሶቶስ ጉሙርቁሢና ማዓንዳፓዓቱም ሙሴ ዔርዜ ዋጎ ኩንሥሢናቱዋአሢ ኦ ዔራኔ፤ ኦኡኒያ ዋጎ ኩንሥሢናቱዋንቴ ከሪሶቶስ ጉሙርቁሢና ያኦሲ ቤርታ ዲላ"ኒ ዬሱስ ከሪሶቶስ ኦ ጉሙርቁኔ፤ ዓይሁድ ጌዔቱ ዓይሁድ ዓሲያ ሙሴ ዔርዜ ዋጎ ኩንሥሢና ዲላ"ዋሴ።

17 ከሪሶቶሴና ኦኡኮ ዋላ" ዓኣ ፔቱሞና ያኦሲ ቤርታ ኦ ዲላ"ኒ ኮዓጋ ኦኡኒ ኦ ቶኦኪና ጎሜ ዓሲ ማዲ ዲዳያታቶ ጎሜይዳ ኦና ዔኪ ጌልዛሢ ከሪሶቶሴኬ ጌይሢዳ? ፔቱ"ታጋ ያዲቱዋሴ!

18 ጋዓንቴ ታኣኒ ሻሂ ካኣዥ ዋጎ ማሂ ጊንሢ ማዳሢ ታና ማዔቱ ታኣኒ ታ ቶኦኪና ዋጌ ሻሂያ ማዔሢ ዔርዜኔ ጌይሢኩ።

19 ታኣኒ ያኦሲም ናንጋንዳኔ ጌይ ዋጎ ዘሎ"ና ሃይቢና ዲማዲሢያው ዋጌይዳፓ ታ ዲማዲኔ።

20 ታኣኒ ከሪሶቶሴና ዋላ" ሱዲንቴያጉዲ ማዲ ፓይዲንቴሢር ሃካፓ ሴካ ከሪሶቶሴ ታ ጊዳ" ናንጋንዳፓዓቱም ታ ታኣር ናንጋያቱዋሴ፤ ሃሢያ ታኣኒ ዓሲ ማዲ ናንጋ ናንጋ፣ ታና ናሽኬሢና ታ ጋይቱ ፔና ዓኣሢ ዒንጌ፣ ያኦዛሢ ናዓሢ ጉሙርቁያና ዲዳ ናንጎናኩ።

21 ያኦሲኮ ኮሹሞ ዒንጊያ ታኣኒ ሸሌዒሲ ዛጉዋሴ፤ ዓሲ' ያኦሲ ቤርታ ዲላ"ሢ ሙሴ ዔርዜ ዋጎ ኩንሥሢናታቴ ከሪሶቶሴ ሓይቁሢ ጉሪኬ ጌይሢኩ።

### 3

#### ከሪሶቶስ ጉሙርቁሢና ዋጎና ዛላ

2:16 ዓይኑ. 143፣2፤ ሮሜ 3፣20።

1 ዒንሢ ሐይ፡ ማሊ ጳቂሠብ ጋላቲያ ዓጮ" ዓሳ! ያ ጌሺ ዒኖ ዒንሢኮ ባይዜይ? ኪሪሰቶሴኮ ፑርቶ ዓሶ ሱያ ሚያይዳ ሱዒንቲ ሃይቂያ ዛሎ" ዒንሢ ዛዛጋጉዲ ፔጋሲ ታ ዒንሢሚም ኬኤዜኔ።

2 ታኣኒ ሃሢ ዒንሢዳፓ ፔቲ" ዔራኒ ኮዓ ባኣዚ" ዓኣኔ፤ ዒንሢ ዓያኖ ጌኤኸ ዔኬሢ ሙሴ ዎጎ ኩንሥሢናሞ ኮኸ ሐይሶ ቃኣሎ" ዋይዚ ጉሙርቂያናዳይ?

3 ዒንሢ ዓይያ ያኣሲ ዓያናና ዓርቃያ ዓሲ ዋልቁና ኩንሢሢ ኮዓኔ፤ ሐይሾ ዒንሢ ሃኣዲ ዔኤያኬ!

4 ኮኸ ሐይሶ ዛሎ"ና ዒንሢ ዔኬ ሜታሢ ሲያ ጉሪ ማዒ ዓቲ"ኔ ጌይሢዳ? ዬይ ጉሪ ዓቲባኣሴ!

5 ያኣሲ ፔኤኮ ዓያኖ ዒንሢሚም ዒንጋሢና ዒንሢ ኮራ ፔ ዋልቆና ማዳንታ ዓኮ ባኮ ማዳሢ ሙሴ ዎጎ ዒንሢ ኩንሢሢሪሞ ኮኸ ሐይሶ ቃኣሎ" ዋይዚ ዒንሢ ጉሙርቃሢሪዳይ?

6 ሂንዳ ዓብራሃሜሲ ማሉዋቲ፡- «ዓብራሃሜ ያኣሲ ጉሙርቁኔ፤ ያኣሲያ ዒዛ ፔ ዓሲ ማሄኔ» ጌይንቲ ያኣፒንቲኔ።

7 ዓካሪ፤ ያኣሲ ጉሙርቃዘንሢ ሲያ ዓብራሃሜ ናኣቶ" ማዓሢ ዔሩዋቲ።

8 ያኣሲ ዓይሁዴ ማዒባኣ ዓሶ ጉሙርቁሢ ዛላና ዒሊ"ሳንዳያ ማዒሢ ጌኤኸ ማዳኣፓ ቤርታዲ ዴንቁ፡- «ዴራ" ሲያ ኔ ዛሎ"ና ዓንጂንታንዳኔ» ጌይሢና ቤርታ ዓብራሃሜም ኮኸ ሐይሶ ቃኣሎ" ኬኤዜኔ።

9 ዬያሮ ያኣሲ ጉሙርቃዘንሢ ሲያ ያኣሲ ጉሙርቁ፡ ዓብራሃሜጉዲ ዓንጂንቲያኬ።

10 «ዎጎ ኩንሢያና ኑ ዒሊ"ንዳኔ» ጋዓዘንሢ ሲያ ጋዳንቁንቲያኬ፤ ዓይጎሮ ጌዔቲ፡- «ሙሴ ዔርዜ ዎጎ ማዳኣፓይዳ ያኣፒንቲ ዓይሢያና ሲያ ዴዲ ናንጉዋያ ሃሢ ማዳ ኩንሠብ ዓሲ ጋዳንቁንቲያኬ» ጌይንቲ ያኣፒንቲሢሪኬ።

11 «ዒሎ" ዓሲ ጉሙርቁሢና ሺሞፔና ናንጋኔ» ጌይንቲ ያኣፒንቲሢሪኮ ዎጎ ኩንሥሢና ዓይጎ ዓሲያ ያኣሲ ቤርቶይዳ ዒሎ"ዋኣሢ ዔርቲያኬ።

12 ዎጌ ጉሙርቁሢና ዓርቁንቲ ባኣዚ"ቲዋሴ፤ ጋዓንቲ «ዓሲ ዎጌና ናንጋኒ ዳንዳዓሢ ዎጎ ዓይሢያ ሲያ ኩንሢቶኬ» ጌይንቲ ያኣፒንቲኔ።

3:6 ማኸ. ማፃ 15፡6፤ ሮሜ 4፡3። 3:7 ሮሜ 4፡16። 3:8 ማኸ. ማፃ 12፡3።  
3:10 ላሚ. ዋማ 27፡26። 3:11 ዓምባ. 2፡4። 3:12 ላዊ. ዓኬ 18፡5።

13 «ሚሠዳ ሱዲንቲ ሐይቃ ዓሲ ቢያ ጋዳንቁንቴያኩ» ጌይንቲ ፃጻፒንቴኔ፤ ኪሪሰቶስ ኑ ጋይቲ ጌይ ሱዲንቲያና ጋዳንቁንቴያ ማዒ ዋጎ ጋዳሞይዳፓ ኑና ዳቂሼኔ።

14 ዬይ ያዲ ማዔሚ ያኦሲ ዓብራሃሜም ዒንጌ ዓንጃ ዬሱስ ኪሪሰቶስ ዛሎ"ና ዓይሁዴ ማዒባኣ ዓሶ ሄላ"ንዳጉዲ፤ ሃሣ ያኦሲ፡- «ታ ዒንሣሚም ዒንጋንዳኔ» ጌዔ ዓያኖ ጌኤዠፍ ጉሙርቁሢና ኑ ዔካንዳጉዲኩ።

**ሙሴ ዋጎና ሃጊ ማዓንዳ ዎዞና**

15 ታ ዒሾንሦ! ታ ሚሾንሦ! ዓሲም ዔርታ ማላታ ማዓንዳ ባኣዚ" ታ ዒንሣሚም ኬኤዞም። ዓሲ ዎላ" ጫኣቁሞ ጫኣቁሰካፓ ያኦሲያ ዬኖ ጫኣቁሞ ሃሻ"ኒና ጊዳ" ቃሳኒያ ዳንዳዑዎሴ።

16 ያኦሲ ዓብራሃሜና ዒዛኮ ዜርዎናም ሃጊ ማዓንዳ ዎዞ" ቃኣሎ" ዒንጌሣ ዬኖ ጎይያኩ፤ ጌኤዠ ማፃኣፓ ሃጊ ማዓንዳ ዎዞ" ቃኣላ" ሚርጌ ዓሲም ማዓያ ማሂ፡ «ኔ ዜርዎም» ጎዑዎሴ፤ ጋዓንቲ ፔቲ" ዓሲም ማዓያ ማሂ፡ «ኔ ዜርዓሢም» ጋዓኔ፤ ዬይያ «ኔ ዜርዓሢ» ጌይንቴሢ ኪሪሰቶስኩ።

17 ዓካሪ፡ ታ ሂዚ ጋዓኔ፤ ያይዶ ጭታና ሐይሢታሚ" ለዔኮ ጊንፃፓ ዒንጊንቲ ዎጋ" ቤርታዲ ያኦሲ' ዔሪ ዶዲሼ ጫኣቁሞ ዓይሲ፡ ዒንጊንቲ ዎዞ" ቃኣሎ"ዎ ጉሪ ማሃኒ ዳንዳዑዎሴ።

18 ያኦሲኮ ዒንጊፃ ዎጌ ዛላና ጴዳያታቲ፡ ያኦሲ ዒንጌ ሃጊ ማዓንዳ ዎዞ" ቃኣሎ"ና ማዒፃ ዓታንዳንቴኩ፤ ጋዓንቲ ያኦሲ ዓብራሃሜም ዒንጌ ዒንጊፃ ሃጊ ማዓንዳ ዎዞ" ቃኣሎ"ናኩ።

19 ሂዳያ ዎጌ ዒንጊንቲሢ ዓይጌንዴርዳይ? ዎጌ ጊዳ" ቃሲ"ንቴሢ ዓብራሃሜም ሃጊ ማዓንዳ ዎዞ" ቃኣሎ"ና ዒንጊንቲ ዜርዓሢ ሙካንዳያ ሄላ"ንዳኣና ፑርታ ማዶ ዓይጎ ማዔቴያ ዔርዛኒኩ፤ ዎጌ ሙኬሢ ያኦሲና ዓሲና ባኣካ" ማዔ፡ ዓሢም ያኦሲ ኪኢታንቸ ዛሎ"ና ኬኤዚንቴምኩ።

20 ዬይ ያዲ ማዔቴያ ባኣካ" ማዔ ዓሢ ፔቲ" ዜርሢም ሌሊ ዔቃያቲዎሴ፤ ያኦሲ ጋዓንቲ ፔቲ"ኩ።

21 ዓካሪ፤ ሙሴ ዎጋ" ያኦሲኮ ሃጊ ማዓንዳ ዎዞ" ቃኣሎ"ና ዎላ" ጊኢጉዎያዳ? ያዲቲዎሴ! ሼምፖ ዒንጋ ዎጌ ዒንጊንቲያ ማዔቴ ዒሎ"ዎ ዎጌም ዓይሢንቴሢና ጴዳያ ናንዳንቴኩ።

22 ጋዓንቲ ጌኤዠ ማፃኣፓ ዓጫ" ጉቤ ጎሚና ቲኡቲያ ማዔኔ ጋዓኔ፤ ዬይያ፡- ዬሱስ ኪሪሰቶስ ጉሙርቁያና ጴዳ ዎዞ" ቃኣላ" ጉሙርቃዞንሢም ዒንጊንታንዳጉዲኩ።

3:13 ላሚ. ዎማ 21፡23። 3:16 ማዢ. ማፃ 12፡7። 3:18 ሮሜ 4፡14።

23 ዬይ ኪሪስቶስ ጉሙርቂፃ ሙካንዳሢኮ ቤርታ ዋጎ ዛሎ"ና ኑ ቱኡሲ ዓሲ ማዒ ዬይ ፔጋዳንዳያ ሄላ"ንዳኣና ካራ ኑም ባይቄያ ማዒኔ።

24 ዬያሮ ጉሙርቂፃና ኑ ፃላ"ንዳጉዲ ኪሪስቶስ ሙካንዳያ ሄላ"ንዳኣና ሙሴ ዋጋ" ኑና ዔርዚ ዔርዚ ዲቻያ ማዒኔ።

25 ሐሢ ጋዓንቴ ኪሪስቶስ ጉሙርቂሢ ሙከሚሮ ዋጌ ኑና ዔርዚ ዔርዚ ዲቻያ ማዒፃ ዓቴ"ኔ።

26 ዬሱስ ኪሪስቶስ ጉሙርቂፃና ዒንሢ ሲያሢ ጆኦሲ ናይከ።

27 ኪሪስቶስና ዋላ" ፔቴ" ማዒኒ ዋኣፃና ማሰቴ ዓሳ ሲያ ኪሪስቶስ ዒንሢ ማኣዒኔ።

28 ሲያሢ ዬሱስ ኪሪስቶስ ዛሎ"ና ፔቴ" ዒንሢ ማዒሢሮ ዓይሁዴና ዓይሁዴ ማዒባኣ ዓሲና፣ ማዳሢና ማዳሻሢና፣ ዓቴንቄና ላኣሊናኮ ባኣካ" ዲሙሞ ባኣሴ።

29 ዓካሪ ዒንሢ ኪሪስቶስሮ ማዒቶ ዓብራሃማ ዜርጆከ፤ ዒንገንቴ ዋዘ" ቃኣሎ" ጎይጆና ዒዛና ዋላ" ዒንሢ ጆኦሲ ዒንጋ ባኮ ዔካንዳዘንሢ።

### 4

1 ሃሣ ታ ሂዚ ጋዓኔ፡- ዓዶ ዳካላኒ ቶይዶ ናፃ ማዒሢ ናይ ዓኣፃ ዋዚ ዒ ዓዶ ቆሎ"ኮ ሲያ ቤቲ ማዒቴያ ማኣራ ዓኣ ካራሞይዳፓ ዒ ዲማቱዋሴ።

2 ጋዓንቴ ዓዴ ዒዛም ጌዔ ዋዶ" ሄላ"ንዳኣና ዒዛ ዔርዚ ዔርዚ ዲቻ ዓሶ ዴማ" ዒ ማዒኔ።

3 ዬያጉዲ ኑኡኒ ጆኦሲ ዓያኖ ባኮ ዛሎ"ና ናይ ዓኣ ዋዶ"ና ሓያ ዓጮ" ካኣኮፍ ዋጎም ዓይሌ ማዒ ኑ ዋርቃያከ።

4 ጋዓንቴ ጆኦሲ ጌዔ ዋዶ" ሄላ"ዛ ዓሲዳፓ ሸይንቴያ፤ ሐሣ ዋጎም ዓይሢንታያ ማዒ ፔኤኮ ናዓሢ ዒዚ ኑም ዳከኔ፤

5 ዬያ ዒ ማዳሢ ዋጎም ዓይሢንታያ ማዒዘንሢ ዳቂሻኒና ኑናኣ ዒዛኮ ኮሹሞና ፔ ናይ ማሃኒከ።

6 ጆኦሲ ናይ ኑ ማዒሢሮ፡- «ታ ዓዴ» ጌይ ዒዛ ዔኤላ"፣ ፔኤኮ ናዓሢ ዓያኖ ኑም ዒ ዳከኔ።

7 ዬያሮ ሃይፓ ሴካ ጆኦሲኮ ኔ ናይ ማዓንዳፓዓቲም ዓይሌ"ቱዋሴ፤ ጆኦሲኮ ኔ ናይ ማዒያታቴ ጆኦሲ ፔ ናኣቶ"ም ገኢገሼ ባኮ ሲያ ኔኤም ዒንጋንዳኔ።

ጳውሎስ ጋላቲያ ዓሰም ማሌ ማሊያ

3:29 ሮማ 4፣13። 4:5 ሮማ 8፣15-17።

- 8 ሐያኮ ቤርታ ያኦሲ ዲንሢ ዔሪባኣሢሮ ካኣሽኮንዶ ባኣዚ" ማዒባኣ ባኮም ዓይሌ" ማዒ ዲንሢ ናንጌኔ።
- 9 ሃሢ ጋዓንቴ ዲንሢ ያኦሲ ዔሪኔ፤ ላሚ ታ ኬኤዛኒ ኮዔቴ ያኦሲያ ዲንሢ ዔሪኔ። ሂዳዖ ጊንሢ ዬያ ፓሡዋያና ላቤ"ያ ማዔ፥ ዓጮ" ካኣኸ ዋጎ ባንሢ ዋዲ" ዲንሢ ማዔይ? ሃሢ ዋዲ" ዲንሢ ላሚ ዔያቶኮ ዓይሌ" ማዓኒ ኮዔይ?
- 10 ዲማ ዲማ ኬሎ"፥ ዓጊኖ፥ ዋድ"ንታ ሌዖንታ ዲንሢ ቦንቻ።
- 11 ዬያሮ ታ ዲንሢ ማኣዳ"ኒ ላቤ"ንቴ ማዔ ማዳ" ጉሪ ማዓንዳሲንታኔ ጌይ ታ ሂርጋኔ።
- 12 ታ ዲሸንሃ! ታ ሚሸንሃ! ታ ዲንሢጉዲ ማዔሢሮ ዲንሢያ ታጉዲ ማዐ-ዋቴ ጌይ ታ ሸኢቃኔ፤ ዲንሢ ታኣም ዓይጎዋ ፑርቴሲባኣሴ።
- 13 ቤርቲ ቤርታ ኮኸ ሓይሶ ታ ዲንሢም ኬኤዛኒ ዳንዳዔሢ ታኣኮ ሃርጎ ዛሎ"ና ማዔሢ ዲንሢ ዔሪኔ።
- 14 ዋዚ ዲንሢም ታኣኮ ሃርጋ ሜቶ ማዔያታቴያ ዲንሢ ታና ቦሂባኣሴ፤ ሃሢ ሻኣኪንቴባኣሴ። ጋዓንቴ ያኦሲኮ ከኢታንቻጉዲ ዬያፓ ዑሢ ኪሪሰቶሴ ቦንቹ ዔካያጉዲ ታና ዲንሢ ቦንቹ ዔኬኔ።
- 15 ሓሢ ሃያኮ ቤርታ ዲንሢ ታ ዛሎ"ና ዋዛዳ ዋዛ" ቢያ ዋዋይቴይ? ዬኖና ዲንሢም ዳንዳዒንታቴ ዲንሢኮ ዓኣፖታዖ ታኣም ዲንጋንዳጉዲታሢ ታ ታ ቶኦኪና ዬያኮ ማርካኬ።
- 16 ሂዳዖ ሃሢ ጎኦም ታ ዲንሢም ኬኤዛሢሢሮ ዲንሢኮ ሞርኬ ታ ማዒያ?
- 17 ሓንጎ ዓጎ ዲንሢ ዛሎ" ማሊ ሜታዳንዳና ናንዳኔ፤ ማዔቴያ ዬያ ዔያታ ማዳሢ ኮሹሞምቴዋሴ፤ ዔያቶኮ ማሊያ- ዲንሢ ኑ ጊዳ"ፓ ዲማዳንዳጉዲና ዔያቶም ዲንሢ ባሽ ማላንዳጉዲኬ።
- 18 ኮሹሞ ባኣዚ"ምታቴ ደዲ ማሊያ ኮሺኬ፤ ጋዓንቴ ዬይ ዲንሢኮ ታኣኒ ዲንሢና ናንጋ ዋድ"ና ሌሊ ማፖፓ።
- 19 ታ ናይዮቴ! ኪሪሰቶሴ ዲንሢዳ ፔጋዲ ጴዳንዳያ ሃላ"ንዳኣና ጊንሢ ዲንሢ ዛሎ" ማሊያና ሸይቹ ቆዒ"ሢ ሜታሳሢጉዲ ሜቶይዳ ታ ዓኣኔ።
- 20 ዲማ ማዔ ጎይሢና ዲንሢም ኬኤዛኒ ሃሢ ታ ዲንሢ ኮራታቴ ዓይጎ! ጋዓንቴ ዓይጎ ታ ማዳንዳቴያ ዔርቶ ዲዒ ባሽሢሮ ታ ሜታዳኔ።

**ዓጋሮና ሳኣራናኮ ኮኣኪንሃ ማዒያ**

21 ዲንሢ ሙሴ ዔርኬ ዋጎም ዓይሢንቴ ናንጋኒ ኮዓ ዓጎ፥ ሂንዳ ታኣም ኬኤዙዋቴ፤ ዋጋ" ዋዚ ጋዓቴያ ዲንሢ ዋይዙዋዓዳ?

22 ዋጎ ማፃኣገሮዳ፡- «ዓብራሃሜኮ ላምዖ ናይ ዓኣኔ፤ ፔቴ"ሢ  
ዒዛኮ ዓይሌ"ላ ሾዔያ ማዓዛ፣ ባጋሢ ሾይንቴሢ ማኣሮ  
ዒንዶይዳፓኬ» ጌይንቴ ፃኣፒንቴኔ።

23 ዓይሌ"ሎይዳፓ ሾይንቴሢ ዓሲ ማሊሢና ማዓዛ ማኣሮ  
ዒንዶ ናዓሢ ሾይንቴሢ ጋዓንቴ ፆኦሲ ዒንጌ ዋዞ" ቃኣሎ"  
ጎይዖናኬ።

24 ዩንሢ ላምዖ ላኣሎንሢ ፆኦሲ ጫኣቄ ላምዖ ጫኣቁዋኮ  
ኮኣኪንሢ ማዓኔ። ፔቴ"ዛ፣ ሲና ዲኮ"ና ኮኣኪንሢንጋዛ ዓጋኣሮኬ፤  
ዒዛ ናኣቶ" ሾዓሢ ዓይሌሞምኬ።

25 ዓጋኣሮ ዓሬቦ" ዓጮ"ይዳ ዓኣ፣ ሲና ዲኮ" ማላጋኬ፤ ዩያሮ  
ሃሢ ዓኣ ዩሩሳላሜ ማላኔ፤ ዒዛ ፔኤኮ ናኣቶ"ና ዋላ" ዓይሌሞይዳ  
ዓኣዖኬ።

26 ሎ ጫሪንጫፓ ማዔ፣ ዩሩሳላሜ ጋዓንቴ ዓይሌ"ቱዋሴ፤ ዒዛ  
ኦኤኮ ዒንዶሎኬ።

27 ዓይጎሮ ጌዔቶ፡-

«ኔኤኒ ናይ ሾውዋ ዘኣኬሌ ዋዛዴ!

ኔኤኒ ሾዓኒ ባኒ ዔሩዋዜሌ ዒላሼ!

ዓኒ ዓኣ ላኣሌሎይዳፓ ባሼ

ዓኒ ሃሼ" ላኣሌሎኮ ሚርጌ ናይ ዓኣያ ማዓንዳኔ»

ጌይንቴ ፃኣፒንቴኔ።

28 ታ ዒሾንሃ! ታ ሚሾንሃ! ዒንሢያ ዪሳኣቄጉዲ ዒንጊንቴ  
ዋዞ" ቃኣሎ" ናኣቶ"ኬ።

29 ጋዓንቴ ዩኖ ዋድ"ና ዓሲ ማሊሢና ሾይንቴሢ ዓያኖ ማሊዖና  
ሾይንቴሢ ዒዲ ዳውሴሢጉዲ ሓኖ"ዋ ዩያጉዲኬ።

30 ጋዓንቴ ጌኤኮ ማፃኣፓ ዩያ ዛሎ" ዋዚ ጋዓይ? ማፃኣፓ፡-

«ዓይሌ"ሎ ናዓሢ ማኣሮ ዒንዳ ሾዔ ናዓሢና ዋላ" ዓዶ ባኮ  
ዳካሊንዲዋኣሢሮ ዓይሌ"ሎ ናዓሢና ዋላ" ኬሲ" ዳኬ» ጋዓኔ።

31 ዩያሮ ታ ዒሾንሃ! ታ ሚሾንሃ! ኦኤኒ ማኣሮ ዒንዶ ናኣቶ"ኬ፤  
ዓይሌ"ሎ ናኣቶ"ቱዋሴ።

# 5

1 ዓይሌሞፓ ኦ ኬሰኪ፣ ሜታ ባኣያ ናንጋንዳጉዲ ኪሪሰቶሴ ኦና  
ሙሴ ዔርዘኬ ዋጎ ዓይሌሞፓ ኬሴ"ኔ። ዩያሮ ዶዲ ዔቁዋቴ፤ ላሚ  
ዩያ ዓይሌሞይዳ ጌሊፖቴ።

4:22 ማኸ. ማፃ 16፣15፤ 21፣2። 4:27 ዒ.ሲ. 54፣1። 4:29 ማኸ. ማፃ  
21፣9። 4:30 ማኸ. ማፃ 21፣10።

ኪሪሰቶስና ጴዳ ዎጌ ዓይሉዋፓ ኬሰኪሢ

2 ሐሢ ታኣኒ፡ ጳውሎስ ዲንሢም ሂዚ ጋዓኔ፡- «ዓቲንቴ ቤርቲ ቲቁንታንዲያ ኑና ኮይሳኔ» ጌዒ ዲንሢ ዓቲንቶ ቤርቶ ቲቁንቴቴ ኪሪሰቶስ ዲንሢ ማኣዲዎያ ማዓንዳኔ፤

3 «ዓቲንቴ ቤርቲ ቲቁሢ ታኣም ኮይሳኔ» ጌይ ቲቁንታይ ቢያ «ሙሴ ዔርዜ ዎጎ ቢያ ካፒ ኩንሣንዲያ ኮይሳኔ» ጌይ ላሚ ታ ላቲ" ኬኤዛኣኬ።

4 ዲንሢ ዎጎ ካፒ ዒላ"ኒ ኮዓዞንሢ ቢያ ኪሪሰቶስይዳፓ ዲማዲ፡ ጾኦሲኮ ኮሹዋ ዲንጊያ ዳቁንታፓኣ ዲንሢ ሃኬኔ።

5 ኑኡኒ ጋዓንቴ ዒሉ"ዋ ዴንቃኒ ዎዛ ጌሣሢ ጾኦሲ ዓያኖ ዛሎ"ና ጉሙርቂሢ።

6 ዓይጎር ጌዔቴ ኑና ማኣዲ"ንዳሢ ኑኡኒ ዬሱስ ኪሪሰቶስና ዎላ" ፔቴ" ማዔም ናሹዋ ዛላና ማዲይዳ ፔኤቃ ጉሙርቂሢ ማዓንዳኣፓዓቴም ዓቲንቴ ቤርቲ ቲቁንቴቴያ ሓሽ"ቴያ ኑና ማኣዲ"ዓኬ።

7 ሓይማ ሄላ"ንዳኣና ዲንሢ ቃራታዎ ሃሢ ዲንሢ ጎኑዋዎ ዓይሢንቴዋጉዲ ያ ላኣጌይ?

8 ዬያጉዴ ጌሺፃ ዲንሢ ኮራ ሙኬሢ ዲንሢ ዔኤሌ"፤ ጾኣዛሢዳፓቴዋሴ።

9 ዬይያ፡- «ዳካ" ሙኑቃ ፃኣዛ ሙኑቆ ቢያ ካዒሳኔ» ጌይንቴሢጉዲኬ።

10 ፔቴ"ታዎ ማሌ" ፑርታ ማሊሢ ዲንሢኮ ባኣሢ ታኣኒ ጎዳና ማዒ ጉሙርቃኔ። ጋዓንቴ ዲንሢ ዳቢሻኒ ማላይ ዓኣቶ ዬይ ዓሢ ዲዛም ኮይሳ ሜቶ" ዔካንዳኔ።

11 ታ ዲሸንሦ! ታ ሚሸንሦ! ታኣኒ ሃኖ" ሄላ"ንዳኣና ኬኤዛሢ፡- «ዳቁንታር ዓቲንቴ ቤርቲ ቲቁንቴሢ ኮይሳኔ» ጌይ ጌይታቶ ሃሢ ሄላ"ንዳኣና ዓይጎር ዲዒንቴ ታ ዳኪንታይ? ያዲ ማዔያታቴ ታ ኬኤዛ፤ ኪሪሰቶስ ሓይባ" ዲቆ ዓሰም ማዒንዲዎያታንቴኬ።

12 ዓካሪ ዬንሢ፡ ዲንሢ ዳቢሻኒ ኮዓ ዓሰንሢ ዓቲንቶ ቤርቶ ቲቁፃ ዓታዛ ጉቤ ቲቁቶ ቃራኬ።

13 ታ ዲሸንሦ! ታ ሚሸንሦ! ዲንሢ ዎጌ ዓይላቶይዳፓ ኬሰካንዳጉዲ ዔኤሊ"ንቴኔ፤ ጋዓንቴ ፔቴ"ሢ ባጋሢም ናሹዋና ዓይሢንቴ ማዲንዳኣፓዓቴም ዬይ ዲንሢኮ ዓይሉማፓ ኬሰኪፃ ዲንሢ ሱኡኬ ኩንሢሢም ማዎፓ።

14 ዓይጎር ጌዔቴ፡- «ዓሲ ዓዳ" ኑና ማሂ ናሽኬ» ጋዓዛ ሙሴ ዔርዜ ዎጎ ቢያ ዓርቂ ዓኣያኬ።

15 ጋዓንቴ ዋሊ ዒንሢ ጌኤሲና ጳዓያና ሙዓያ ማዔቴ ዒንሢ ዋላ" ባይቁዋጉዲ ዒንሢና ባዴዔ።

**ዓሲ ማሊሢና ዓያና ማሊሢና**

16 ዓካሪ ዓያናና ናንጉዋቴ፤ ዒንሢ ዩያይዴቴ ዒንሢ ማዳኒ ሱኡካዳ ባኮ ማዳንዲዋሴ ታ ጋዓኔ።

17 ዓይጎሮ ጌዔቴ ዒንሢ ማዳኒ ሱኡካዳ ማሊያ ዓያና ማሊሢና ዋሊ ዒፃያኩ፤ ዓያናና ዒንሢ ማሊያና ዋላ" ካአሙዋሴ፤ ዩያሮ ዒንሢ ማዳኒ ናሽካ ባኮ ማዳኒ ዒንሢ ዳንዳዑዋሴ።

18 ዓያና ዒንሢ ዔኪ ዓኣዳያ ማዔቴ ዋጌም ዒንሢ ዋርቃያ ማዒንዲዋሴ።

19 ዓሲ ማዳኒ ሱኡካዳ ማዳ ዔርቴያኩ፤ ዩያታ፡- ማቾ ሃሣ ዓኒ ማዒባኣያና ላሃሢ፡ ዒኢሳ ማዳ ማዳሢ፡ ማቾ ሃሣ ዓኒ ማዒባኣያና ላሃኒ ኮዒ ማሊሢ፡

20 ማሌ" ካኣሺ ካኣሽኪሢ፡ ማርሻ ማርሺሢ፡ ዓሲ ዒዲሢ፡ ዑራ፡ ቁኢራዋ፡ ዳጋ፡ ፔና ሌሊ ናሽኪሢ፡ ዲማዲሢ፡ ጌኔ ማዳሮ ዘርቲሢ፡

21 ጌኔ ማዳ፡ ማሢንቲሢ፡ ኮይሱዋ ኮሢ ኮርጊሢና ዩያጉዴ ማዳኬ፤ ሓያኮ ቤርታ ታ ዒንሢም ላቲሢጉዲ ሓሣ ታ ዒንሢም ላቲ" ኬኤዘኣኬ፤ ዩያጉዴ ማዳ" ማዳዘንሢ ያኦሲ ካኣቱምይዳ ጌላዓኬ።

22 ዓያና ጌኤሺኮ ዓኣፒ ጋዓንቴ፡- ናሹዋ፡ ዋዛ፡ ኮሹዋ፡ ጊቢ" ዳንዳዒሢ፡ ዓሲም ኮሽኪሢ፡ ጉሙርቁንቲሢ፡

23 ሼሌዑዋ፡ ፔና ዔሪ ዋይሥሢ። ዩንሢጉዴ ባኮ ዒፃ ዋጌ ባኣሴ፤

24 ዩሱሰ ኪሪሰቶሴሮ ማዔ ዓሳ ፔኤኮ ፑርቶ ማሊያ ሱኡኮ ዩሱሴና ዋላ" ፑርቲሴ ዓሶ ሱያ ሚያይዳ ሱዲ ዋዴ።

25 ዓያናና ኑ ናንጋያ ማዔቴ ዓያና ኑና ዳዋ ጎይያ ኑ ሓንቶም።

26 ዋሊ ዳ ፑርቱምና ኑ ዔቂ ዔቂ፡ ሓሣ ቁኢሪ ቁኢሪ ጉሪ ኑ ሄርሺንቲባኣያታቴ ቃራኬ።

# 6

**ዓሲ ቢያም ኮሺ ማዳ ማዳሢ**

1 ታ ዒሾንሢ! ታ ሚሾንሢ! ዓሲ ዓይጎ ባኣዚ" ዳቤቴያ ዒንሢ፡ ዓያናና ማዔ ዓሳ ዩያጉዴ ዓሶ ሼሌዑዋና ጊኢጊሹዋቴ፤ ጋዓንቴ ኔና ዩይ ዳቢሹዋጉዲ ኔና ዔሬ።

---

5:17 ሮሜ 7፡15-23።

2 ዋሊ ሴካና ሃንጋና ማኣዲ" ማኣዲ" ፔቴ"ይ ባገሢኮ ዴኤያ ባሶ" ባሶ"ንጎ፤ ዩያይዲ ኪሪሰቶሴ ዓይሢ ዋጎ ዒንሢ ኩንሣያ ማዓንዳኔ። \*

3 ያናታቴያ ሓንጎዋቶይዳፓ ዲማዳ ባኣዚ" ባኣያታንቴ፡- «ታኣኒ ሓንጎ ዓሶፓ ባሼኬ» ጌይ ማላቶ ፔና ጌሻኔ።

4 ፔቴ" ፔቴ" ዓሳ ፔ ማዳ" ዛጊ ዔሮንጎ፤ ዩካፓ ፔኤሲ" ሓንጎዋቶሲና ዋላ" ሄካሲያ ሃሺ" ፔ ማዳ"ና ሌሊ ሄርሺንታንዳ ባኣዚ" ዴንቃንዳኔ።

5 ዓይጎሮ ጌዔቴ ፔቴ" ፔቴ"ሢ ፔ ኬዶ" ኬዳንዳያ ኮይሳሢሮኬ።

6 ያኦሲ ቃኣሎ" ዔሪያይዳ ዓኣሢ ዔርዛሢና ዋላ" ኮሺ ማዔ ባኮ ዘርቲ ዔካያ ማያንጎ።

7 ዒንሢ ዒንሢ ጌሺፖቴ፤ ያኦሲ ዓማሊ"ንታያቴዋሴ። ዓሲ ፔ ማዳ"ማ ዔካኔ።

8 ፔ ሱኡኮ ማሊያ ባኮ ማዳ ዓሲ ፔ ሱኡኮ ማሊያይዳፓ ሓይቢ ዴንቃንዳኔ፤ ዓያና ዋዛሳኒ ማዳ ዓሢ ዓያናይዳፓ ናንጊና ናንጊ ዴንቃንዳኔ።

9 ኑ ማዳ" ሃሺ" ባኣቶ ኮይሳ ዋዶ"ማና ኑ ማዳሢኮ ዓኣፖ ኑ ዔካንዳሢሮ ኮሺ ማዳ ማዳሢ ኑ ቤልፃዲ ባኣቴ ቃራኬ።

10 ኑ ማዳንዳ ዋዶ ዴንቄቴ ዓሲም ቢያ ሃሢ ባሼና ኪሪሰቶሴ ጉሙርቃ ዓሶም ኮሺ ማዳ ኑ ማዳም።

**ጋፒንሢ ዘርና ሳራሥሢና**

11 ሓያ ዋማይዲ ታ ኩቻ ዓንዲርሲ ታ ዒንሢም ፃኣፔቴ ሂንዳ ዛጉዋቴ፤

12 ዒንሢ ዓቲንቶ ቤርቶ ቲቂንታንዳጉዲ ዋልቄና ዓይሣዞንሢ ዙልካ ጴዳ ባኣዚ"ና ሄርሺንታዞንሢኬ፤ ዩያ ዔያታ ማዳሢ' ኪሪሰቶሴኮ ሓይቦ"ና ሜታሢ ዛሎ" ኬኤዛያ ማዔቴ ዳውሲንታንዳሢሮኬ።

13 ዔያታ ዒንሢ ዓቲንቶ ቤርቶ ቲቂሽና ሄርሺንታኒ ማዓንዳኣፓዓቴም ዔያታ ቲቂንቴ ዓሳ ፔ ቶኦኪና ዋጋ" ዓይሣ ጎይያ ኩንሣያቴዋሴ።

14 ታኣኒ ዓጮ"ኮ ፑርቶ ማዳ"ፓ ዲማዳ፡ ዓጮ"ኮ ፑርቶ ማዳ" ታጊዳፓ ዲማዲ ኪሪሰቶሴና ዋላ" ሓይቄ ሓይቦ"ይዳፓ ዓታዛ ሜሌ" ታ ሄርሺንታ ባኣዚ" ባኣሴ።

---

\* 6:2 ዒንሢ ኩንሣያ ማዓንዳኔ፡- ጋዓዞ ፔቴ" ፔቴ" ሚናኣ ማፃኣፓ «ኩንሡዋቴ» ጋዓኔ።

15 ዓቲንቴ ቤርቲ ቲቁንቴቴያ ሓሹ "ቴያ ማኣዳ" ባኣዚ" ባኣሴ፤ ማኣዳ"ሢ ዓኪ ማዠንቴ ማዒሢኬ።

16 ሐኖ' ዓይሢያ ጎይያ ዓኣዳ ያኣሲ ዳሮ"ሞ ቢያ ኮሹሞና ማኣሪሢና ማዖንጎ።

17 ታኣኮ ዑያይዳ ዓኣ ጳዲንቶ ዲኢዳ፡ ዩሱስ ኪሪሰቶሴኮ ታ ዓይሌ" ማዔሢ ጌርዛያታሢሮ ሐይፓ ሴካ ያኣኢያ ታና ሜታሶፓ።

18 ታ ዒሹንሦ! ታ ሚሹንሦ! ኑ ጎዳሢ ዩሱስ ኪሪሰቶሴኮ ኮሹሞ ዒንጊፃ ዒንሢ ዓያኖና ዎላ" ማዖሞ፤ ዓኣሜን።

**Maale New Testament**  
**The New Testament in the Maale language of Ethiopia**  
copyright © 2007 Bible Society of Ethiopia

Language: (Male)

Contributor: Bible Society of Ethiopia

**Maale New Testament**

by Bible Society of Ethiopia.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-05-13

---

PDF generated using Haiola and XeLaTeX on 11 Jun 2026 from source files dated 13 May 2025

48f5fdf1-90d6-5bff-b666-a2b8b5d20de1